

**Қазақстан Республикасының Ауыл шаруашылығы министрлігі Орман және аңшылық шаруашылығы комитетінің "Шарын мемлекеттік ұлттық табиғи паркі" мемлекеттік мекемесін құру туралы**

Қазақстан Республикасы Үкіметінің 2004 жылғы 23 ақпандағы N 213 қаулысы

Ерекше экологиялық, тарихи, ғылыми, эстетикалық және рекреациялық құндылығы бар Алматы облысының бірегей табиғи кешендерін сақтау әрі қалпына келтіру мен оларды одан әрі дамытуды қамтамасыз ету мақсатында Қазақстан Республикасының Үкіметі қаулы етеді:

1. Қазақстан Республикасының Ауыл шаруашылығы министрлігі Орман және аңшылық шаруашылығы комитетінің "Шарын мемлекеттік ұлттық табиғи паркі" мемлекеттік мекемесі (бұдан әрі - Мекеме) құрылсын.

2. Алматы облысы Еңбекшіқазақ, Райымбек және Ұйғыр аудандарының аумағындағы мынадай санаттардағы жерлерден жалпы ауданы 93150 гектар жер учаскелері:

жер қорынан - жалпы ауданы 88136 гектар жер учаскелері;  
орман қоры жерлерінен - Ұйғыр мемлекеттік орман шаруашылығы мекемесінен жалпы ауданы 5014 гектар жер учаскелері алынсын және олар қосымшаға сәйкес тұрақты жер пайдалану құқығымен Мекемеге берілсін.

Көрсетілген жер учаскелері жер қоры және орман қоры жерлері санатынан ерекше қорғалатын табиғи аумақтар жерлері санатына ауыстырылсын, ал осы аумақта орналасқан ормандар "табиғаттың мемлекеттік орман ескерткіштері" санатына жатқызылсын.

3. Алматы облысының әкімдігі Мекеме жерлерінің төңірегінде күзет аймағын белгілеп, осы аймақтың шегінде экологиялық жүйелердің жай-күйіне теріс әсер ететін кез келген қызметке тыйым салсын.

4. Қазақстан Республикасының Жер ресурстарын басқару жөніндегі агенттігі Қазақстан Республикасының Ауыл шаруашылығы министрлігінің Орман және аңшылық шаруашылығы комитетімен бірлесіп, белгіленген тәртіппен жергілікті жерде Мекеме жерлерінің шекарасын белгілесін.

5. Қазақстан Республикасы Ауыл шаруашылығы министрлігінің Орман және аңшылық шаруашылығы комитеті белгіленген тәртіппен:

1) Мекеме туралы ережені бекітсін және оның әділет органдарында мемлекеттік тіркелуін қамтамасыз етсін;

2) осы қаулыдан туындайтын өзге де шараларды қабылдасын.

6. Мекемені қаржыландыру ерекше қорғалатын табиғи аумақтарды ұстауға республикалық бюджетте көзделетін сомалар есебінен және солардың шегінде жүзеге асырылады деп белгіленсін.

7 . < \* >

*Ескерту. 7-тармақтың күші жойылды - ҚР Үкіметінің 2005.04.06. N 310 қаулысымен .*

8. Осы қаулы қол қойылған күнінен бастап күшіне енеді.

**Қ а з а қ с т а н      Р е с п у б л и к а с ы н ы ң**

**Премьер-Министрі**

**Қ а з а қ с т а н      Р е с п у б л и к а с ы**

**Ү к і м е т і н і ң**

**2 0 0 4      ж ы л ғ ы      2 3      а қ п а н д а ғ ы**

**N      2 1 3      қ а у л ы с ы н а**

қосымша

**Алматы облысының аумағында құрылатын Шарын мемлекеттік ұлттық табиғи паркіне тұрақты жер пайдалануға берілетін жер учаскелерінің экспликациясы**

Р/с  N	Жерлер санаты және ауыл шаруашылығы алқаптары	Көлемі, га
1 .	Еңбекшіқазақ ауданы жер қорынан (жайылымдар)	- 12730
2 .	Райымбек ауданы жер қорынан (жайылымдар)	- 10420
3 .	Ұйғыр ауданы	-
	1) жер қорынан (жайылымдар)	64986
	2) орман қорының жерлері (Ұйғыр ормандар мен жануарлар дүниесін қорғау жөніндегі мемлекеттік мекемесі)	5014
	оның ішінде: Шарын орманшылығы жиыны:	5014 70000
	<b>Б а р л ы ғ ы</b>	<b>9 3 1 5 0</b>